

Headline	Bursa tempatan diniaga rendah		
MediaTitle	Berita Harian		
Date	21 May 2016	Language	Malay
Circulation	125,514	Readership	947,000
Section	Bisnes	Page No	B16
ArticleSize	242 cm ²	Journalist	N/A
PR Value	RM 13,180		



Bursa tempatan diniaga rendah

Indeks utama berada dalam segmen negatif disebabkan tekanan jualan

Bursa Malaysia ditutup rendah semalam dengan indeks utama berada dalam segmen negatif disebabkan tekanan jualan terutamanya dalam saham telekomunikasi, perladangan dan pengguna, kata peniaga.

Petunjuk pasaran FTSE Bursa Malaysia KLCI (FBM KLCI) bergerak antara 1,628.79 dan 1,636.95 sepanjang hari sebelum ditutup 4.97 mata lebih rendah kepada 1,628.79, berbanding 1,633.76 penutupan kelmarin.

Ia dibuka 1.07 mata lebih tinggi kepada 1,634.83. Kaunter rugi mengatasi kaunter untung sebanyak 408 berbanding 364 dengan 544 kaunter tidak berubah, 409 tidak diniagakan dan 15 yang lain digantung. Jumlah dagangan meningkat kepada 1.73 bilion saham bernilai RM1.64 bilion daripada 1.39 bilion saham bernilai RM1.80 bilion.

Seorang peniaga berkata bursa tempatan diniagakan rendah sejak pertengahan tengah hari, menghapuskan kenaikan yang dicatatkan awal semalam disebabkan oleh jualan berterusan oleh pelabur.

Bursa serantau meningkat
Sebaliknya, bursa serantau lain seperti Nikkei 225 Jepun meningkat 89.69 mata kepada 16,736.35 dan Hang Seng Hong Kong naik

161.86 mata kepada 19,856.19.

“Saham Asia meningkat pada pagi sehingga pertengahan tengah hari tetapi kemudiannya turun dan dijangka mencatatkan penurunan mingguan,” kata peniaga itu sambil menambah aliran menurun itu sejajar dengan kelemahan pasaran saham di Amerika Syarikat.

Sementara itu, Bank Negara

Malaysia memutuskan untuk mengekalkan kadar dasar semalaman (OPR) pada 3.25 peratus, kelmarin. Bank Pusat kali terakhir menaikkan OPR adalah sebanyak 25 mata asas pada 10 Julai 2014.

Dilaporkan bahawa beberapa penganalisis menjangka melihat penurunan kadar faedah untuk menyokong ekonomi.

Dalam kalangan saham wajar tinggi, Maybank turun empat sen kepada RM8.44, TNB tidak berubah pada RM13.98, Public Bank meningkat enam sen kepada RM19.16 manakala IHH naik tiga sen kepada RM6.49.

Dalam kalangan kaunter cerias, AirAsia X tidak berubah pada 40.5 sen, XOX naik 1.5 sen kepada 40.5 sen, kepada enam sen.

Indeks FBM Emas turun 20.64 mata kepada 11,409.72, Indeks FBMT100 berkurangan 22.03 mata kepada 11,099.39 dan Indeks FBM Emas Syariah jatuh 13.87

mata kepada 11,930.02.

FBM 70 naik 16.61 mata kepada 12,927.04, FBM Ace meningkat 14.85 mata kepada 5,688.19 tetapi Indeks Kewangan susut 18.87 mata kepada 14,248.32.

Indeks Perladangan jatuh 53.45 mata kepada 7,462.65 manakala Indeks Perusahaan meningkat 2.78 mata kepada 3,068.37.

Jumlah dagangan naik

Jumlah dagangan Pasaran Utama naik kepada 1.06 bilion unit bernilai RM1.52 bilion daripada 928.84 juta unit bernilai RM1.71 bilion pada Khamis.

Jumlah dagangan ACE Market meningkat kepada 549.22 juta unit bernilai RM99.03 juta berbanding 360.51 juta unit bernilai RM81.30 juta.

Waran naik kepada 117.92 juta unit bernilai RM20.56 juta berbanding 101.29 juta unit bernilai RM16.61 juta sebelumnya.

Barangan pengguna menyumbang 89.18 juta saham yang diniagakan di Pasaran Utama, barangan perusahaan (166.13 juta), pembinaan (34.27 juta), perdagangan dan perkhidmatan (592.29 juta), teknologi (50.70 juta), prasarana (8.12 juta), SPAC (7.43 juta), kewangan (39.04 juta), hotel (1.14 juta), hartanah (52.12 juta), perladangan (15 juta), perlombongan (16,000), REITs (2.3 juta) dan dana tertutup (3,000).

BERNAMA

VALUATOR

Company(Brand)	Mention	Tone	ROI
AirAsia Berhad (AirAsia Berhad)	1	0	0
AirAsia Berhad (AirAsia X)	1	0	0
Amanah Pelaburan Tanah (REIT) (Amanah Pelaburan Tanah	1	0	0
Bank Negara Malaysia (Bank Negara Malaysia)	3	0	0
Bursa Malaysia Berhad (Bursa Malaysia Berhad)	2	0	0
INIX Technologies Holdings Bhd (INIX Technologies Holdings	1	0	0
Malayan Banking Berhad (Malayan Banking Berhad)	1	0	0
Public Bank Berhad (Public Bank Berhad)	1	0	0
Tenaga Nasional Berhad (TNB) (Tenaga Nasional)	1	0	0